



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-549-10/23**
Datum: **24.09.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «IRADIA COMPANY» d.o.o. Laktaši za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka u naselju Doborovci, grad Gračanica, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu, «IRADIA COMPANY» d.o.o. Laktaši daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Doborovci, na zemljištu označenom kao k.č. broj: 818, 826 i 1120 K.O. Doborovci, grad Gračanica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 01.10.2024. godine u potpunosti realizuju radovi a sve u skladu sa projektnom dokumentacijom: Glavni projekat vanjskih hidroinstalacija - izvedeno stanje sa dopunom, reg broj: 60-IB-G/23, urađen od strane „IBIS“ d.o.o. Zavidovići, kako slijedi:

R.B	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Blindiranje svih postojećih ispusta iz predmetnih objekata (blindiranje slivnika u objektima) sa izradom odvodnje putnog kanala sa zacjevljivanjem dijela koji prolazi kroz „Kompleks objekata farme matičnih jata kokošaka Doborovci“	79.610,00	31.12.2024.
2	Zatrapavanje otvorenih kanala te ugradnja drenažnog materijala sa povezivanjem drenažnih kanala na bezimeni potok.	9.350,00	31.06.2025.
3	Izgradnja vodonepropusne đubrišne jame za odlaganje krutog otpada V=120 m ³ .	8.000,00	31.12.2025.

- 3.3. U skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.

- 3.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
- 3.5. Da se objekti koji su se ranije koristili u svrhu prikupljanja otpadnih voda (upojni/zemljani kanali za prihvrat onečišćenih voda nastalih pranjem objekata i opreme nakon završenog turnusa) redovno održavaju u potpunosti zatrpaju i ozelene.
- 3.6. Da se redovno kontroliše stanje ispusta iz objekata koji su ranije korišteni prilikom pranja objekata i opreme a nakon završenog turnusa – isti moraju biti potpuno blindirani.
- 3.7. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.8. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i na obale rijeka, odnosno na zemljišne čestice označene kao «vodno dobro».
- 3.9. Vlasnik odnosno korisnik objekta je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «IRADIA COMPANY» d.o.o. Laktaši dana 07.12.2023. godine podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Pribava, na zemljištu označenom kao k.č. broj: 818, 826 i 1120 K.O. Doborovci, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o sudskoj registraciji broj: 057-0-Reg-16-001670 izdatog dana 19.08.2016. godine od strane Okružnog privrednog suda Banja Luka,

- Ovjerena kopija Uvjerjenja o registraciji/upisu u jedinstveni registar obveznika indirektnih poreza broj: 04/1-UPP/1-2494/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Kopija Rješenja o upotrebi objekta broj: 07-361-198/3 izdatog dana 16.06.1982. godine od strane Komisije za urbanizam, stambeno-komunalne, imovinsko-pravne i geodetske poslove Skupštine opštine Gračanica (izdato za OOUR «Ratar» Gračanica),
- Kopija Rješenja o vodnoj dozvoli broj: UP-I/25-3-40-626-12/18 izdatog dana 03.09.2019. godine od strane «Agencije za vodno područje rijeke Save» Sarajevo,
- Kopija Ugovora o zakupu poslovnog prostora broj: 1/13 zaključenog dana 07.10.2013. godine sa Aneksom Ugovora broj 4. zaključenog dana 01.09.2018. godine između «KOKAPRODUKT» d.o.o. Gračanica u stečaju i «IRADIA COMPANY» d.o.o. Laktaši,
- Kopija Rješenja o okolinskoj dozvoli broj: UPI 05/2-23-11-243/20 izdatog dana 10.03.2020. godine od strane Federalnog ministarstva okoliša i turizma Sarajevo,
- Glavni projekat vanjskih hidroinstalacija - izvedeno stanje sa dopunom, reg broj: 60-IB-G/23, urađen od strane „IBIS“ d.o.o. Zavidovići,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetne farme u naselju Pribava, grad Gračanica i tom prilikom je sačinjen Zapisnik o uviđaju broj: UP-I/25-3-40-549-2/23 od 14.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni kompleks objekata Farme matičnih jata kokošaka «DOBOROVCI» izgrađen je u naselju Doborovci, općina Gračanica neposredno uz potok Dolić odnosno Doborovačku rijeku. Kompleks čini (8+4) prizemnih objekata dim. 85x12 m koje razdvaja lokalna saobraćajnica. U vrijeme vršenja uviđaja 8 objekata je bilo u upotrebi. Uz objekte su instalirani silosi za hranu. Zagrijavanje objekata je na čvrsto gorivo. U sklopu kompleksa izgrađen je upravni objekat sa kancelarijskim prostorom i sanitarnim čvorom za potrebe uposlenih. Kapacitet farme je oko 60.000 roditeljskih pilenki za odgoj.
- Oborinske vode sa krovova objekata se ispuštaju na okolni teren.
- Otpadne vode nastale čišćenjem i pranjem podova objekata i opreme poslije završenog turnusa (jedanput u godini) se zasebno kanalizacionom mrežom upuštaju u upojne/zemljane kanale izgrađene duž svakog objekta, a što je u suprotnosti sa odredbama Zakona o vodama, te je konstatovano da se postojeći ispusti trebaju blindirati.
- Otpad nastao čišćenjem objekata farme (smjesa piljevine i izmeta) nakon završenog turnusa se odvozi na poljoprivredne površine.
- Aktivnostima predmetnih objekata farme može doći do zagađenja tla i podzemnih voda ukoliko nisu preduzete mjere zaštite kojima se sprječava zagađenje istih.
- U krugu farme postavljen je kontejner za animalni otpad.

Uviđajem na terenu i uvidom u dostavljenu dokumentaciju utvrđeno je da nisu ispunjeni uslovi propisani rješenjem o vodnoj dozvoli broj: UP-I/25-3-40-626-12/18 od 03.09.2019. godine, a odnose se na izgradnju sistema prikupljanja, tretmana i ispuštanja tehnoloških otpadnih voda u recipijent. Projektna firma IBIS d.o.o. Zavidovići je izradila projektnu dokumentaciju u kojoj je došlo do promjene tehnološkog procesa. Ova vrsta tehnološkog procesa obuhvata radove suhog čišćenja u kombinaciji sa slamom.

Od podnosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-549-4/24 od 19.02.2024. godine zatraženo da dostavi detaljan dinamički plan ulaganja za realizaciju radova. Podnosioc zahtjeva je dana 13.09.2024. godine putem pošte dostavio traženi dinamički plan sa spisom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.3. ovog rješenja.

Na osnovu uvida u dostavljeni dinamički plan utvrđeno je sljedeće:

Krajnji rok za realizaciju svih radova predviđenih dostavljenom projektnom dokumentacijom (Glavni projekat vanjskih hidroinstalacija - izvedeno stanje sa dopunom, reg broj: 60-IB-G/23), urađen od strane „IBIS“ d.o.o. Zavidovići je 31.12.2025. godine.

Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.3. dispozitiva.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 115. - 118. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je pravno lice, «IRADIA COMPANY» d.o.o. Laktaši, ispunilo minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Pribava, grad Gračanica te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Meho Čaušević, B.Sc.ing.građ.

Prilog:

- Glavni projekat vanjskih hidroinstalacija - izvedeno stanje sa dopunom, reg broj: 60-IB-G/23, urađen od strane „IBIS“ d.o.o. Zavidovići

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- «IRADIA COMPANY» d.o.o. Laktaši, ul. Branka Ćopića br 2, 78250 Laktaši (Prilog)
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava